

## Dan kada je UN ušao u istočni dio Mostara: Zatekli 55.000 ljudi na ivici gladi



Prije 26 godina mirovne snage UN-a prvi put su ušle u istočni dio Mostara, koji je tada bio potpuno pod ruševinama.

Pripadnici UN-a u Mostaru su zatekli 55.000 ljudi na ivici gladi.

U kakvom stanju su se nalazili građani istočnog dijela Mostara svjedočio je pred Haškim sudom nekadašnji šef civilnih poslova Mirovne misije UN-a u BiH Cedric Thornberry.

On je na svjedočenju tokom suđenja Jadranku Prliću i drugim visokim zvaničnicima nekadašnje tzv. Herceg – Bosne, koji su za svoja nedjela osuđeni za UZP i na ukupno 111 godina zatvora, kazao da je ono što je zatekao 21. avgusta 1993. godine u ostaru bilo nešto najgore što je vidio tokom rata u bivšoj Jugoslaviji.

“Hrvati su željeli odsjeći komad BiH za sebe, a Mostar su vidjeli kao srce svoje države. Gotovo da nije bilo zgrade koja nije izreštena različitim vrstama projektila, a civili su bili stalna meta artiljerijske i snajperske paljbe HVO”, kazao je Thornberry.

Thornberry je u istočni dio Mostara prvi put ušao 21. avgusta 1993. godine u pratnji novinara čiji su snimci tih dana obišli cijeli svijet.

“Na ljudima su se vidjeli znakovi teške pothranjenosti usljed nedostatka hrane, a glavni izvor snabdijevanja vodom je bila kontaminirana voda iz rijeke Neretve”, opisao je Thornberry, koji se u Mostar vratio četiri dana poslije sa prvim konvojem humanitarne pomoći.

On je u svom iskazu u Hagu ulazak konvoja u Mostar dogovorio s tadašnjim ministrom vanjskih poslova Hrvatske Matom Granićem.

Granić je Thornberryju kazao kako je tadašnji predsjednik tzv. HZ HB Mate Boban “obavezan da uradi ono što se od njega traži”, a prema iskazu Thornberryja bilo je više nego očito da je Boban tadašnjeg predsjednika Hrvatske Franju Tuđmana doživljavao kao svog predsjednika.

Pored Thornberryja o razaranju Mostara i izgladnjivanju stanovnika ovog grada izvještavali su brojni svjetski mediji među kojima britanski BBC.

(vijesti.ba)

60

SHARES

[\\_ Share on Facebook](#)

[\\_ Tweet](#)

-

-

[Follow us](#)

-

[\\_ Share](#)

-

[\\_ Share](#)

-

[\\_ Share](#)

-

[\\_ Share](#)

-

[\\_ Share](#)

Date: 21-08-2019